

Scabii III-1716-
Cum DEO.

K 20 - 5.

IN AUGUSTANÆ CONFESSIONIS

Articuli primi partem priorem, quæ agit

De

DEO UNO ET TRINO

IN SE CONSIDERATO,

DISPUTATIO XXIII.

Ex Becano, & contra eundem;

NOTIONIBUS, ÆQUALITATE, ORDINE ET PRIORITATE PERSONARUM.

Quam, WITTEBERGÆ

PRÆSIDI Venerando sene

Plurimum Reverendo, Amplissimo Excellentissimo,

VIRO

DN. JACOBO MARTINI,

Sacrosanctæ Theologiæ Doctore ac Professore

Publico Primario, Totius Academiæ SENIORE Venerando, Templi

Arcis Præposito, & Consistori Ecclesiastici Assessore

gravissimo,

Præceptore atq; Evergeta Suo omni observantiâ atq; devotâ
animi submissione sanctè suspiciendo.

Placide Dnn. Collegarum Ventilationi exponit.

DANIEL KLESCH IGLOVIA

HUNGARUS.

In Auditorio Theologorum

Ad d. 22. Julij, Anno cl. loc. XLVIII.

Exudente JOHANNE RÖHNERO Acad. Typogr.

Redux. Dr. Math. Zarduliu Past. Necon. hanc colliga-
ta disputatione ad combinationem mentium hostiarum Respondens

V R I S

Admodum Reverendis, Excellentissimo, Clarissimis & Doctissimis.



Dn. Christophoro Schlegelio,

S. S. Theol. Doctori Eminentissimo, Antistiti Leucoviensium vigilansissimo, ut & quinq; Liberarum Regiarum Civitatum, Coniunctarumq; Ecclesiarum Superattententi meritissimo.

Dn. M. Balthasari Rohrmanno,

Ecclesiæ Caschovviens. Germ. Pastori Primario.

Dn. M. Johanni Windisch. Pasto-

ri Varaliensium in Sepusiô, & Fraternitatis Viginti
quatuor Regalium Pastorum Assessori Gravissimo.

Dn. Hilario Ernesto Binnero,

Palatino, Ecclesiæ, quam sibi DEUS In Monte
Georgii colligit, Pastori dignissimo.

Dn. Danieli Peschkovvio, Pasto-

ri Menhartivillensi meritissimo.

Dn. Johanni Christophori, Pa-

stori Oppidi Krompach fidelissimo.


Dn. Tobiae Pollucio, Rectori

Scholæ Iglovviensis dexterimo

Dnn. Mæcenatibus, Patronis, atq; Promotoribus suis
Sanctè suspiciendis, Affinibus itidem bis atq; Fau-
toribus devotè colendis observandis.

Exercitum hoc Theologicum submissè
offert atq; dedicat.

Daniel Klesch Iglovviensis SS. Th. St.



S. D.

R Eperta Philosophum docere sobrie
Sonus potest, & erudire pectora.

Feliciter scientiarum nectare,
Ratione rectâ cuncta pensans bene,
Quæ prisca gentium labore condidit
Emunctiorum ætas sagacis ingenii.

Oracula Dia DEI docere sobrie

Sonus potest, qui sola verbi oracula

Sequitur sacri cœlestiore Spiritu,

Nec, quas Papalis urget Impudentia,

Vanis inhæret ipse Traditionibus;

Nec, quas superstitionis nuper secula

Scholasticorum prodidere, inanibus

Subtilitatibus tricisq; se implicat

Totum; Sed inde vera libellâ Sacri

Limata verbi mente pûra seligit,

At falsa Zelô justiore reiçit.

Id præstat hic contra BECANVM faustiter

VENERANDUS ipse PRÆSES; Ergo sobrie

Oracula Dia Dei docet, ceu sobrie

Olim Sophorum cogitata prodidit

Et publicè docuit per utilissimis

Scriptis, nec adversarios moratus est.

Hinc ipse PHILOSOPHI diu nomen tenet

MAGNIQ; THEIOLOGI: Sub hoc DVCE prodeo,

Et intricata jam propugno LEMMATA,

Jam desero, quæ veritati consona

Sequimur, BECANO verò falsa remittimus.

At vos, PATRONORVM COHORS, favebitis

Studiis meis, ad altiora non queo

Penetrare, si modò satis præsentia

Attingo, nitar hictamen pro viribus

Et ingenii modulo, ad Jehovæ gloriam

Quæ

Quæ pertinent, ut omnia ista pectori
Più reponam, & insuper studiis Sacris
Sic totus incumbam, sibi quò patria
Sperare de me possit haut inutile
Membrum: Videmus ut Papæ deliria,
Quæ cœca nubes versat inscientiæ,
Caliginosas litium strophas petant.
Hoc sensit olim Patria ipsa jam jugum
Tenebrasq; densas. Has, DEVS, repellito
A finibus nostris, tuamq; cœlitùs
Lucem sacrati, quæso, verbi reddito,
Honos Tuus quò crescat atq; Gloria
Nomen Tuumve Eoa regna personet,
Plures ut erudiantur ad cœlestia
Tui Theatra Regni, & ampla præmia
Ferant, tuæ beatitatis compotes.

Ita

Erga DEVVM devotus
vestri,
PATRONI MAGNI,
Observantissimus
vovet

Qui ad omnem cultum VOBIS se
devovet.

Daniel Klesch, Respondens

411

DISPUTATIO XXIII.

De

Notionibus personarum.

QUÆSTIÖ I.

Quid & quotplex sit notio divina.

Procedimus cum Becano ad *Notiones personarum divinarum*, de quibus tres moveat quæstiones; Unam de notionibus divinis: Alteram de actibus Notionalibus, & extremam de potentiis notionalibus. Primam quæstionem resolvit tribus Conclusionibus. Prima est: *Notio nihil aliud est quam ratio cognoscendi unam personam, ut ab alia vel aliis distinctam*. Derivavit illam, & fatetur ipse, ex *Thoma q. 32. art 3.* & ex *Augustino lib 5. de Trinit. cap 6.* Ex conclusione hâc dedit duo necessaria requisita, ut aliquid sit Notio. *Primum*, ut significetur in abstracto: quia debet significari ut forma, aut quasi forma hujus vel illius personæ, quâ ab aliis distinguitur. 2. *Ut pertineat ad originem*: quia debet significare distinctionem unius personæ ab alia. Personæ autem distinguuntur per originem.

2. *Thomas* loco allegato ferè eodem modo definit *Notionem*. Dicendum est, inquit, quod notio dicitur id, quod est propria ratio cognoscendi divinam personam. Unde etiam duo illa requisita cum suis rationibus sunt desumpta: quas etiam inductione probat Thomas. Augustinus quidem allegato cap. 6 & seqq. rem quidem habere videtur, nomen vero non habet.

Q 99

3. Secun-

Respon-
dente,
Daniele
Kleschio
Iglovie-
si Hun-
gario.

Prima
Conclusio:
quid sit
notio, ex-
pliicans

Duo re-
quisita ut
aliquid sit
Notio

1.

2.

Thomas
eodem
modo defi-
nit Notio-
nem.

Secunda Conclusio. 3. Secunda Conclusio: *Quinque sunt notiones divinae. Innascibilitas, Paternitas, Filiatio, Spiratio activa, Processio.* Hæc ferè etiam quoad verba est Conclusio Thomæ in articulo 3. quippe quam ita proponit: *Quinque tantum notiones sunt in divinis, Innascibilitas, Paternitas, Filiatio, Communis spiratio, & Processio.* Addit Becannus rationem: *Quia sunt notæ seu formæ quædam, quibus cognoscimus, unam personam distinguere ab aliâ, quoad originem.* Nam Innascibilitas est notio quæ significat rationem non habere originem ab alio. Paternitas est notio, quæ significat Patrem esse principium & originem alterius. Et sic deinceps. Quæ rationes etiam ex Thoma sunt desumptæ.

Paternitas.

4. Verum enim verò *Ingenitum esse*, sive *Innascibilitatem*, Ita esse notionem Patris, ut quidem Paternitas est, supra in dubium vocavimus, imo negavimus. Nam Notio propriè loquendo, debet exprimere proprietatem, quâ persona distinguitur ab aliâ: Imò, ut vult ipse Becanus, debet esse vel forma, vel rationem sive ingenium formæ habere. Verùm id de Innascibilitate sive de Ingenito dici nequit: Quandoquidem *Ingenitum* sive *Innascibilitas* tantum abest, ut dicat formam, ut illam neget, uti de hac notione sive termino disputat, *Augustinus allegato lib. 5. de Trinit. cap. 6. & 7.* Cum, inquit, *Ingenitus* dicitur Pater, non quid sit, sed quid non sit, dicitur. Et mox: Sic primum videndum est hoc significari, cum dicitur genitus, quod significatur, cum dicitur filius. Ideo enim filius, quia genitus: & quia filius, utique genitus. Quod ergo dicitur *ingenitus*, hoc ostenditur, quod non sit filius. Et paulò post: *Pro ingenito dicimus non genitum, quod tantum valet.* Non ergo aliud dicimus, quam non filium, & quod è quâ de *Spiritu Sancto & de Patre* dici potest. Quod etiam nos docet Symbolum Athanasianum: *Spiritus Sanctus à Patre & Filio, non factus, nec creatus, nec genitus: sed procedens:* Unum porrò colligitur: quod Innascibilitas non est ejusmodi Notio (ut vult Becanus) quia significat Patrem non habere originem ab alio: aliás enim idem significaret, quan-

**Reprobatur
Becanus.**

do in Symbolo jam allegato Spiritui Sancto tribuitur: nempe quod etiam is non habeat originem ab alio. Quod verò contra fidem.

5. Tertia Conclusio Becani: *Ex his quinque Notionibus sunt Tertia tantum quatuor relationes: quia Innascibilitas non est relatio, sed negatio relationis: Item tres tantum proprietates: quia Spiratio activa non est ulli personæ propria, sed communis Patri & Filio. Item tres tantum proprietates personales, id est, constituentes personas in esse personæ. Nam Innascibilitas & Spiratio activa non constituunt personas; cum altera sit negatio, altera verò communicabilis. Hinc deducit & ostendit, eandem rem v. g. Paternitatem posse esse notionem, relationem, proprietatem, & personalem proprietatem. Cum dicatur Notio, quatenus ratio cognoscendi patrem, ut ab aliis distinguatur: Relatio, quatenus est ratio referendi Patrem ad Filium. Proprietas, quatenus convenit uni tantum personæ: Proprietas personalis, quatenus constituit personam in esse personæ. Sed isthac magni momenti non sunt.*

QUÆSTIO II.

Qui & quales sint actus Notionales.

6. Quæstionem hanc explicat Becanus quatuor Conclusions. Prima: *Actus notionales in concreto sunt, generare & primare, spirare; seu dicere & diligere: In abstracto verò generatio & spiratio. Addit porro: Dicuntur notionales, quatenus distinguuntur ab essentialibus, qui sunt intelligere & velle.* Item “cur ita dicti actus sunt meræ relations, per modum actionum significatae. Item quoad quæri soleat, an sint necessarii, an voluntarii. Ubi distinctione opus esse concludit, idque ex sequentibus manifestum futurum. Verum subtilitates haec sunt inanes: quæ non tam explicant, quam implicant hoc mysterium.

Conclusio secunda Actus notionales sunt naturales ac necessarii.

Actus illos esse tales non dubitatur: an verò propter allegatas Beccani rationes sint tales controversiae controvertitur.

7. Secunda Conclusio: *Actus Notionales sunt naturales ac necessarii: quia Pater naturaliter ac necessario se intelligit: Ergo naturaliter ac necessario generat filium. Ergo actus generandi est naturalis ac necessarius. Item Pater & Filius naturaliter ac necessario se amat: Ergo naturaliter ac necessario spirat Spiritum Sanctum. Ergo actus spirandi est necessarius.*

8. Actus hosce naturales ac necessarios esse, non quidem inficiamus: Esse verò tales ob adductas rationes valde controvertitur. Nam defumuntur illæ à modis generationis ac spirationis, tanquam certis & indubitatis. Modus generationis definitur, quod Pater generet filium se intelligendo: Spirationis: quod Pater & Filius spirant Spiritum Sanctum se naturaliter amando. Verùm isti modi certi non sunt, utpote in Scripturā nullibi revelati, Sed sunt tantum similitudines ad mysterium hoc applicatae: Ideoque parum vel nihil probant. Deinde benè notetur, quod in primā conclusione dixerit Beccanus, quod *actus notionales*: *Dicere & intelligere ita dicuntur, quatenus distinguantur ab essentialibus, qui sunt intelligere & velle: Hic autem naturales ac necessarii dicuntur, proindeq; Essentialies. Si autem hoc, & intelligere est essentialis notio, & tribus personis communis: Ergo non tantum Pater se naturaliter intelligit, sed etiam Filius se naturaliter intelligit, Itemque Spiritus Sanctus: Si ergo se ipsum naturaliter intelligere est gignere Filium: Utique & filius gignit rursus filium, & Spiritus Sanctus gignit filium. Quid verò in fide nostrâ absurdius? Idem omnino dici potest de modo Spirationis: Si enim naturaliter se ipsum amare est spirare S. Sanctum: Quæritur an non æquè dici possit de filio; quod se naturaliter & necessario amet: Item de Spiritu Sancto, quod se naturaliter & necessario amet? Ergo ne erunt rursus duæ processiones, à filio una, & à Spiritu Sancto una: & sic numero tres? quid rursus in fide absurdius. Ergo ab ejusmodi inanibus & ociosis ac periculosis speculationibus planè est abstinentendum.*

Tertia

Conclusio. 9. Tertia Conclusio: Idem actus & dicuntur voluntarii voluntate divina, non ut libera, sed ut naturalis est. Unde (colligit porrò

porrò Beccanus) Pater non liberè gignit filium, ut volebant Ariani, sed naturaliter ac necessario: neg, tamen invitus sed voluntarius. Res plena est: & de eo etiam supra egimus.

10. Quarta Conclusio: *Illi duo actus, generare & spirare non sunt eodem modo voluntarii; nam Spiratio duobus modis voluntaria 1. à voluntate, ut à principio: 2. à voluntate concomitante. Nam Pater & Filius non tantum producunt Spiritum Sanctum voluntate, tanquam principio activo; sed etiam productionem illam voluntate approbant, ita ut productio illa sit objectum volitum & amatum; non liberè, sed necessario. Ratio est: Quia DEUS naturaliter & necessario diligit se, & vult se esse, sicut in se est: sed est trinus per productionem ad intra: Ergo necessario diligit Trinitatem & productionem ad intra. Quod verò attinet ad generationem Filii, illa quidem voluntaria est à voluntate concomitante, quia scilicet amatur & diligitur à DEO, non tamē est voluntaria, à voluntate, tanquam à principio activo: quia Pater non generat Filium voluntate, sed intellectu, tanquam principio.*

11. Quilibet etiam intelligit: quod hic totus discursus nullo nitatur fundamento scripturæ; sed nuda conjectura rationis: quâ conjicit illa, nullo modo demonstrat; Patrem gignere filium intelligendo; Patrem verò & Filium simul spirare Spiritum Sanctum volendo & amando. Hæc verò fundamenta quia valde lubrica & incerta sunt, facile intelligitur, quid de toto discursu sit sentiendum, nempe, uti diximus, quod sit conjectura rationis sine certâ ratione aut demonstratione accepta. Quæstio, quæ sequitur de volitione concomitante, Pater vult generationem, cum ille sit prior generatione? quia futilis & inutilis est, indignam judicavimus assumptione & resolutione.

Quarta Conclusio. Spiratio duobus modis voluntaria actio.

Generatio Filii non item.

Beccani discursus nullo nititur fundamento.

QUÆSTIO III.

An respectu actuum notionalium detur aliqua potentia notionalis.

Conclusio prima.

12. Resolvit & explicat hanc questionem Becanus quinque conclusionibus. Prima est: *In Patre datur realis & Positiva potentia ad Generandum filium: & similiter in Patre & Filo, realis, & positiva potentia ad spirandum Spiritum Sanctum.* Est communis sententia (addit) contra Aureolum, qui afferuit, Potentialiam generativam in Patre, non esse aliquid reale vel positivum, sed solam negationem repugnantiae, ut Filium generet. Id verò concedendum non esse probamus, sed esse potentialiam positivam & realem. Rationem verò damus hanc: quia realis datur actus illi potentiae respondens. Qui certè actus, necesse est, ut sit à positivâ potentia: eum non possit esse toto genere præstantior, suo principio, à quo est. Adde, quod potentia obedientialis, quæ est sola negatio repugnantiae, respondet potentiae passivæ, non activæ. Hic autem quæstio est de potentia activâ & productivâ sive producente: Quæ tantum abest ut negetur per ejusmodi obedientialem potentiam objectivam: ut potius illam maximè confirmet. Nam quo difficilius aliquid producitur, eo excellentior & perfectior requiritur potentia activa positiva realis: Atqui ex potentia obedientiali objectivâ difficilius aliquid producitur, quam ex potentia naturali: cum hic sit aliqua dispositio ad actionem agentis recipiendam, ibi verò nulla: Ergo ejusmodi potentia activa maximè requiritur realis & positiva. Sic quia in creatione nihil fuit, quam respectu potentiae divinae, negatio repugnantiae, quia creatio impediri potuisse: Ergo arguitur potentia divina creans maximè realis & positiva.

Becani ratio.

13. Becanus hanc adfert rationem: *Quia, inquit, Pater producit filium per intellectum, tanquam per principium, & Spiritum*

tum Sanctum per voluntatem: At intellectus & voluntas sunt aliquod reale in DEO. Ergo &c. Verum patet ex præcedentibus: quod hac ratione incertum per magis incertum ac proinde nihil probetur.

14. Secunda Conclusio: *Potentia generativa & spirativa est Conclusio quidem realis in DEO, non tamen respectu actuum notionalium, sed Secunda. respectu terminorum, qui per eos producuntur, id est, respectu Filii & Spiritus Sancti. Rationem addit: quia productio non est vera actio, sed solum relatio per modum actionis significata: Vera autem actio requiritur (ut in creaturis), si dari beat potentia realis non solum ad effectum, seu terminum actionis, sed etiam ad productum ipsam.* Addimus nos, non potest dari potentiae illius *Nostra* duplex respectus, nempè ad productionem & productum: *solutio.* quia ista in divinis non revera distinguuntur, sed tantum modo concipiendi nostro distinctè sumuntur: quæ alias in re idem sunt: Nam filius quando generatur, genitus est: & quando genitus est generatur: & sic in re, generatio est ipse genitus: & genitus est ipsa generatio: Est enim hic productio sine actione & mutatione: Non itaque datur in illa via ad terminum sed est in ipso termino.

15. Tertia Conclusio: *Potentia generativa in Patre non est ipsa Tertia paternitas: Et similiter potentia spirativa in Patre & Filio non est Conclusio spiratio activa, sed est natura & essentia divina, licet non sola: quæ opponitur Bonaventuræ & Durando. Addit triplicem rationem: 1. Quia omne generans producit genitum sibi simile, quoad formam, secundum quam producit: Ergo id, in quo genitum est simile generanti, est potentia generativa, si non proxima, saltem remota: Sed Filius DEI est similis Patri in natura & essentia, non autem in relatione: Ergo natura, & non relatio, est potentia generativa. 2. Quia in humanis id, quo generans generat, non est proprietas personalis, sed naturæ: Sed Paternitas in DEO Patre est proprietas personalis: Ergo non est id, quo Pater generat filium.*

3. Quia

3. Quia relatio, quatenus relatio, non est activa aut productiva. Concedere possumus conclusionem cum suis additis rationibus, si intelligantur de Essentia divina, quatenus Paternitate sive primâ personâ determinata est. Tum enim in illâ concipi potest principium agendi, ut quo, nempe ipsa Essentia, & ut quod, nempe Persona, non quævis, sed prima, quæ est Pater.

Quarta
Conclusio.

Non pro-
batur.

16. Quarta Conclusio: Natura divina est principium remotum, quo Pater generat: proximum verò est intellectus: Similiter natura divina est principium remotum, quo Pater & Filius producunt Spiritum Sanctum: Proximum verò voluntas. Verum quid de hâc conclusione sit statuendum, liquet ex illis, quæ hactenus de modo producendi personas divinas per intellectum & voluntatem sive amorem disputata sunt. Taceo, quod si vel maximè modus producendi personas esset certus, non tamen secundum rem ipsam principiorum distinctio in remotum & proximum hîc locum habere posset; quippe quæ tantum secundum modum intelligendi nostrum ita fingitur. Nam intellectus à natura divina in re non distinguitur, neque voluntas: sed DEUS vult per essentiam, atque sic ipsa essentia dicitur voluntas: Item intelligit per Essentiam, & sic ipsa Essentia dicitur intellectus: quomodo ergo intellectus itemque voluntas poterint ab essentiâ in actione & quidem hâc internâ distingui, ut propinquum à remoto principio: cum hâc distinctio principiorum, duo illa esse supponit: Natura verò & Essentia DEI sit cum intellectu & voluntate sua, eadem & simplicissima.

Quinta
Conclusio.

17. Quinta Conclusio: Potentia generativa non est Essentia & Intellectus absolute sumta, sed quatenus sunt Patris, velut alii dicunt, quatenus substant Paternitati. Similiter potentia Spirativa non est Essentia & voluntas absolute sumta, sed quatenus sunt spiratoris, vel quatenus substant spirationis activæ. Hanc conclusionem jammodò probavimus. Quæ subjiciuntur objectiones, ut meræ ac inanes subtilitates, ita magni momenti non sunt. Videatur igitur Bécanus.

QUÆ-

QUÆSTIO IV.

An divine Personæ sint inter se æquales?

In octavo
capite de tri-
bus disputat
Becanus.

18. Progredimur ad octavum caput Bécani, in quo de tribus disputat. 1. An divine Personæ inter se sint æquales. 2. An sit Bécanus. aliquis ordo inter personas. 3. An propter hujus modi ordinem concedenda sit aliqua prioritas in personis divinis: Est igitur prima quæstio: An divine persona sint inter se æquales. *Æqualitas fundatur in quantitate.*

19. In resolutione & explicatione hujus quæstionis initio explicat terminum *æqualitatis*, & primum notandum monet, *æqualitatem in quantitate fundari*: Cum illa æqualia dicantur, quæ habent eandem quantitatem: Sic illa dicuntur, *Similia* quæ habent eandem qualitatē. Ut ergo (pergit) duplex *æqualitas* est quantitas, una propria, altera metaphorica: ita duplex est, *æqualitas*, Una secundum quantitatem propriam; altera secundum quantitatem metaphoricam. 2. Notandum dicit, *æqualitas* in quantitatem fundatam in quantitate metaphorica, de quâ hîc agimus, triplicem in DEO spectari posse: *Unam in perfectione*, *agitur*. *essentiali*; alteram in *virtute agendi*: *Tertiam, in duratione*. *Æqualitas* De illis agit in tribus conclusionibus. 3. Notandum vult, ut aliqua dicantur æqualia, tria requiri. 1. Ut inter se distinguantur: quia idem non dicitur sibi ipsi æquale. 2. Ut habeat quantitatem ejusdem rationis. Unde linea non potest dici æqualis angulo. 3. Ut quantitas in uno non sit major, *aliqua dicuntur æqualia*, quam in altero. Quæ omnia rectè se habent, & ad explanationem rei praesentis conducere possunt. *Triarequisitum* *æqualia*.

20. Conclusio prima: Divine personæ sunt æquales in essentiali perfectione. Rationem addit: quia, inquit, inter se sunt distinctæ & habent eandem numero essentiam, quæ non est major in una arg, in alia: Ergo habent omnia requisita ad æqualitatem, juxta tertium notabile.

Rer

Conclusio
prima: Per-
sonæ sunt a-
equales in
Essentiâ.

21. Con-

*Conclusio
secunda
sunt aqua-
les in vir-
tute & po-
tentia
agendi.
Athana-
sius.*

*Conclusio
tertia sunt
equales
in dura-
tione.*

*An Perso-
ne divina
sunt aquales
sic quoque
similes di-
cantur.*

21. *Conclusio Secunda*: *Divine personæ sunt æquales in vir-
tute & potentia agendi, juxta illud Johannis v. 19. Quæcunque
Pater facit, hæc & filius similiter facit. Superaddit Becanus ratio-
nem hanc: Quia potentia activa sequitur essentiam seu natum
Ergo ubi est eadem numero essentia, debet esse eadem nu-
mero potentia activa. Unde illud Athanasii: Omnipotens Pa-
ter, Omnipotens Filius, Omnipotens Spiritus Sanctus: Et tamen non
tres omnipotentes, sed unus omnipotens. Subjicit hic aliquod
dubium Becanus, quod etiam solvit. Videatur ipse.*

22. *Conclusio tertia*: *Personæ divinae sunt æquales in duratio-
ne, juxta illud Athanasii: Eternus Pater, aeternus Filius, aeternus
Spiritus Sanctus. Omnia rectè sese habent, & conveniunt ex a-
cte cum nostrâ fide & religione.*

23. *Quæri etiam hâc occasione potest, An ut æquales, sic
quoque similes personæ divine dici queant. Ubi advertendum est,
patres vetustiores tempore Concilii Niceni, & durante Ari-
anorum errore, evitasse voces, quæ solam similitudinem inter
duas Personas divinas significare videbantur: qualis erat ce-
lebris illa vox οὐοιστον, id est, *similis essentia*. Atque ideo Con-
cilium Ariminense est rejectum, quod vocem illam in Symbolo
posuerit. Et Basilius Epistola 82. dicit, Macedonianos non dis-
cessisse ab errore Arii: quia tantum similitudinem Essentie in-
ter Patrem & Filium admittebat. Cujus etiam meminit Epi-
phanius heres. 73. Et Theodoretus lib. 2. Histor. cap. 6. & est hoc fre-
quentissimum in Patribus ejus ætatis. Id verò ideo fuit, quia
hæretici illâ voce abutebantur ad excludendas alias, quæ ve-
ram significant consubstantialitatem. Benè enim notan-
dum, quod similitudo ex vi suæ significationis non requirat
realem unitatem in forma, sed conformitatem: Item in vi-
gore non postulare conformitatem in gradu perfectionis:
Quandoquidem duæ albedines rectè dicuntur similes, etiamsi
non sint pares, seu æquè intensæ. Quare Hæretici, ut unita-
tem personarum in divinâ natura, æqualitatemque in perfe-
ctione excluderent, similitudinis voce utebantur, eamque in di-
vinis*

vinis illis personis ponebant, simulque negabant identitatem
& æqualitatem. Atque hoc sensu revera hereticum, similitudinem
ponere in divinis personis.

24. Interim tamen in sensu Orthodoxo omnino dici potest, u-
nam personam divinam alteri similem esse. Et id facere videtur Orthodo-
ipsa Sacra Scriptura: quando Hebr. i. de Filio dicitur, quod fit *xo simili-*
splendor gloriae & character sive imago personæ ejus. Ergo illum tudo usw-
quando appellat *imaginem* Patris, etiam ei similem vocat. Non paripo-
est enim *imago* sine similitudine. Et August. lib. 7. de Trinitat. test.
cap. ult. scribit, *personas dicendas esse similes & non dissimiles: quia*
hoc ad substantiam refertur. Idem Thomas i. part. quest. 31. art. 2.
Et ratio est evidens. Nam etiā si similitudo nō semper includat
actu æqualitatem, tamen illam etiam nō excludit uti etiam nō
excludit unitatem, immo illam quodammodo requirit: & tanto
similitudo erit major, quanto major fuerit unitas inter extre-
ma distincta. Similitudo itaque quatenus perfectionem di-
cit, & imperfectionem excludit, propriè conveniet divinis
personis. Imo hæretici in eo sensu quo loquebantur, magis
asserebant personas dissimiles, quam similes. Cum enim di-
stinguerent naturas, necessarium erat, eas tantum inter se di-
stare, quantum finitum ab infinito, creatum ab increato: quæ
sanè magis inter se sunt dissimilia, quam similia.

25. Verū de æqualitate neque in re neque in voce est ali-
qua ambiguitas, modò supponatur, sermonem esse de quantitate
perfectionis sive virtutis, non de quantitate molis, ut ex præceden-
tibus patet. Quare de fide est, inter personas divinas esse
æqualitatem; quam rectè per negationem Athanasius expres-
sit in Symbolo: *In Trinitate nihil est maius aut minus, prius aut
posterior. Et inde concludit: Totas tres personas sibi esse coæqua-
les. Idem habet Augustinus lib. 9. de Trinitate cap. 1. dicitque hanc
æqualitatem personarum nihil aliud esse, quam unitatem es-
sentia. Qui etiam videatur lib. 3. contra Maximum cap. 10. & Ser-
vone 38. de tempore. Anselmus in Monologio cap. 13. dicit: Personæ
æquales, quia unaquæcunq; est perfecta & summa essentia. &c.*

*Similitu-
do quomo-
do conve-
niat divi-
nū perso-
nis.*

*De æqua-
litate nul-
la est am-
biguitas.*

QUÆSTIO V.

An sit aliquis Ordo inter Personas divinas?

Quæstio est
de ordine
originis.

26. Initio distinguit Becanus inter ordinem & dicit, constare in personis divinis non esse ordinem temporis aut durationis, cum omnes sint æternæ: Concludit ergo, quæstionem esse de ordine naturæ & originis. De quibus has duas subjecit conclusiones.

Conclusio
prima

27. Prima: Inter Personas divinas est ordo originis, qui in eo consistit, quod filius sit à Patre & non Pater à filio; Itemq; quod Spiritus Sanctus sit ab utroq; & non contra. Addit rationem: quia, inquit, ordo dicitur per comparationem ad aliquid principium.

„ Ergo pro ratione diversorum principiorum diversi sunt „ ordines, verbi gratia, per comparationem ad principium du „ rationis, dicitur ordo secundum durationem; per compara „ tionem ad principium situs, dicitur ordo secundum situm, „ per comparationem ad principium causalitatis, dicitur or „ do secundum causalitatem, & sic deinceps. Atqui in div „ nis dicitur principium originis: Ergo etiam datur ordo originis. In hac conclusione & subjectâ ratione nihil desideramus, o „ minia rectè se se habent.

Conclusio
secunda.

28. Secunda conclusio: Hic ordo originis, qui est inter per „ sonas divinas, rectè appellatur ordo naturæ, quia non est liber, sed „ naturalis. Confirmat illam non tantum ratione sed etiam au „ toritate Augustini, qui lib. 3. contra Maximum cap. 14. sic scri „ bit: Non enim genitorem ab eo, quem genuit, sed genitum à ge „ nitore mitti oportebat. Verum hec non est in aequalitas substantiæ, „ sed ordo naturæ, non quod alter prior esset altero, sed quod alter es „ ser ab altero.

Augustinus
distinguit
inter ordi „ nem & prio „ ritatem.

29. Ergo exactè Augustinus distinguit inter ordinem & prioritatem; Etiamsi enim concedat in personis divinis dari ordinem naturæ: hoc est, naturam divinam ita esse compara „ tam, ut in illâ insit ordo personarum nequaquam tamen sta „ tuendum putat, in divinis hisce personis aliquam priorem esse na „

esse naturâ: cum ejusmodi prioritas quandam in æqualitatem essentiæ vel etiam potentiarum inferat, quæ hactenus negata est. Sed pluribus hâc de re in sequente quæstione.

QUÆSTIO VI.

An propter hujusmodi ordinem concedenda sit aliqua prioritas in personis divinis.

30. Aliqui putant (respondeat Becanus) Patrem ex naturâ treipriorem esse origine, quam Filium: Et patrem & filium esse priores origine quam Spiritum Sanctum. Decidit autem quæstionem tribus conclusionibus.

31. Prima: Licet inter Patrem & Filium sit ordo originis ex naturâ rei, non tamen est prioritas ex naturâ rei. Sic Augustinus allegato loco. Et colligitur ex illo Athanasii: In hâc Trinitate nihil prius, nihil posterius. Insuper addit hanc rationem: Quia si Pater ex naturâ rei esset prior Filio, vel id esset quoad Esse absolutum vel quoad relativum. Non prius: quia omne absolutum est idem planè numero in Patre & Filiō. Nec posterius: quia Pater & Filius quoad esse relativum, inter se referuntur, tanquam duo correlativa: Ergo modo, sunt simul naturâ & cognitione. Objectiones & illarum solutiones vide apud ipsum Becanum.

32. Secunda Conclusio: Sicut Pater ex naturâ rei non est prior filio, ita neq; nostro intelligendi modo est prior, sicut ergo concipiatur, conceptu relativo, sicut debet concipi. Ratio est manifesta: Nam ut correlata sunt naturâ simul, sic unum illorum non potest cognosci, nisi simul cognoscatur alterum: Quia enim Pater est, qui habet filium: & Filius, qui habet Patrem: sequitur quod Pater neq; cognoscatur neq; definiatur, nisi simul filius cognoscatur ac definiatur. Ergo ut naturâ sic quoq; cognitione sunt simul.

Tertia
Conclusio.

424

33. Tertia Conclusio. Tametsi neque Pater prior sit filio, neque Spirator Spiritu Sancto, sive ex natura rei, sive nostro concipiendi modo, tamen Pater ut Pater, & Filius ut Filius, sunt priores Spiratores & consequenter Spiritu Sancto, saltem nostro intelligendi modo cum fundamento in re. Verum dicimus nos, quod etiam quoddam juxta Philosophum libro *καταγεων* cap. 12. dicatur prius *κατα την τιχην*: Omnipotens ergo dicere possumus Patrem priorem esse ordine Filio, & Patrem & Filium Spiritu Sancto, ut illa subtilitate Jesuiticâ non sit opus.

F I N I S.



Eximio & Præstantissimo
DN. DANIELI KLESCHIO, Conterraneo
pl. honorando & dilecto,

L ucentem Solis radium miratur homullus;
miretur potius Lucidiora, DEUM.
Luminis ille PATER genuit de Lumine LUMEN,
das Lucis radium, SPIRITUS alme, Tua,
OLux Trina Tuos rimando mente recessus.
Stultitiam, prodit Mens mea, fisa sibi.
Miratur tecum, KLESCHI. Nam Lumine tanto
nil mirabilius. Claudite nunc oculos.
Rimetur Ratio, modò sit Lux prævia Verbi,
hoe sine fert tenebras, fert mala multa Piis.
Te super emittat radium Lux Trina faventem,
ut Tua post niteat Patria, Luce DEI!

L. M. Q.
f.

Matthias Langius Sempronio-Hungarus,
Ecclesiae Witteb. Diaconus.

Hungara

H ungara Te genuit felici sidere tellus,
Instruxit variis mentem Germania rebus.
Doctorum assidue volvisti scripta Sophorum,
Jam quoque scrutaris sancti penetralia verbi:
LEUCORIS est testis testis simul ARGENTINA,
Est testis præsens tua disceptatio, KLESCHI,
Sat præclara tui promens documenta laboris.
Divina Triadis que notio, quisve character
Sit Patris & Nati Flatusq; sacri, afferis aptè,
Rem facis, hoc nostro quâ nulla salubrior ævo.
Non minus egregius victor dici inde mereris,
Quâm Saracenorum si millia plurima ferro
Præsternens, magnâ portares laude triumphos.
Pugna, prævideo, pugna hæc tibi proderit olim,
Te reducem lato excipiet tua Patria plausu,
Hungaria Proceres patrono corde favebunt
Committentque tuis studiis bona munera Spartæ,
Perpetuam capies largo cum fœnore famam.

deproperabat

M. Christianus Trentschius
Facult. Philos. Adj.



Scazon.

S cientiarum non domabilis fervor,
Qui te paternæ fecit exsulem terræ,
Et trans præaltos montium aggeres raptum.
Hirtosq; vepres, Saxonum stitit nostræ
Almæ Sioni, nunc tibi novas vires,
KLESCHI, ministrat, & animo facies subdens
Flagrantiores, emicare Te svadet,
Ac ad serenos grandis ætheris tractus
Jubar coruscum splendicando profere.

Hinc

Hinc te Catedræ, publicæq; committis
Caveæ Lycéi, & dirigente MARTINI,
Atlante Nostro, verba docta De Trino
Gnati Patrisq; & Flaminis Charactere
Seris disertus. Ito prospero gressu,
Dilecte Thesau; Sic tuæ dehinc felix
Non poenitendum Patriæ paras fructum.

Eximio Dn. RESPONDENTI.
SINCERO AMICO

Hac

M. SAMUEL POMARIUS
SILESIUS.



קשרה הרעת בוא אשר ישא רבו
פרי לְךָ הנה בוא לבית חכמה אורה;
בלשכה הגית וווחך השקוּת
וגם רב הרוּת באמרו התורה;
מעטה ברע צא וריב צרך הוצא
בטוב כי ימצא ברלהח הפאלות;

Φίλιας ἐνεκά^ρ
adponebat

M. Johannes Hiller Russus,



Hillier

